



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens omnia Gavanti Commentaria in Rubricas Breviarii - Cum  
Indicibus Decretorum, Rerum atque Verborum notabilium

**Merati, Gaetano Maria**

**Augustæ Vindelicorum, 1740**

**VD18 10783695-002**

De Semidupl. III.

**urn:nbn:de:hbz:466:1-39775**

nibus. Et regulariter quando dicuntur tres Nocturni, dicuntur novem Psalmi, & totidem Lectiones, exceptis iis Dominicis, in quibus sit Officium ut in Psalterio, que habent xviii. Psalmos, ut ibi.

5 Quomodo sit ordinandum Officium Semid. tam in Festis, quam in Dominicis, & infra Oct. item & de Antiphonis, Versibus, Responsoriis, & hujusmodi aliis, & quando in Semid. dicantur Preces ad Primam, & Completorium, & Suffragia de Sanctis ad Vesperas, & Laudes, habentur inferius de singulis propriae Rubrice.

## Novæ Observationes, &amp; Additiones ad Gavanti

## Cap. III. De Semiduplici.

I. Gavantus pag. 17. col. 2. n. 1. -- Semiduplices apud Durandum habetur lib. 7. cap. 1.) Durandus quamvis Festorum Semiduplicium mentionem faciat, ante ipsum tamen, qui floruit 1280. duplicitis, vel semiduplicitis appellatio Festis indita non reperitur. In Breviario M. SS. Dominicanorum Parisiensium, quod exente XIII. vel ineunte XIV. seculo exaratum fuit, Apostoli semiduplices tantum Officium adhuc habebant. Idem quoque legitur in Breviario M. SS. Dionysiano Johannis Regis ayo conscripto, ut asseverat Grancolas loc. *supracit.* Rursus in Breviario Ordinis S. Johannis Hierosolymitani Lugduni edito an. 1551. Apostoli, Sancto Petro excepto, atque ipse Sanctus Augustinus, cuius Regulam sequuntur, & Decollatio S. Johannis Baptiste, eorum Patroni, semiduplici tantum ritu celebrabantur: quapropter dicendum est, Decreto Bonifacii VIII. qui Romana Ecclesia præter anno 1294. & qui primus statuit, ut Apostolorum, quatuor Evangelistarum & quatuor Doctorum Ecclesie Officium duplex esset: in aliis Ecclesiis non fuisset eodem tractu receptum, ita ut pro sola Romana Ecclesia primum editum fuerit. De hoc Bonifacii VIII. Decreto extat in formulario Marini Ebuli, & majori ex parte in sexto Decretalium cap. *Gloriosus,* tit. de Reliq. & Venerat. Sanct. Diploma, quod Raynaldus in historia prefati Pontificis ad predictum annum n. 55. integrum refert inscriptum -- *Archiepiscopo Rhemensi, & ejus*

*Suffraganeis datum Anagnæ XII. Kalendas Octobris, Pontificatus Anno primo -- Concilium quoque Marciacense in Provincia Auxensi Anno 1326. celebratum Can. 41. mandat, ut Annis singulis Festa Beatorum Apostolorum Domini, quatuor Evangelistarum, & quatuor Doctorum ipsius Sancte Matris Ecclesie, Gregorii, Augustini, Ambrosii, & Hieronymi sub Officio Duplici celebrentur; unde inferre licet, quod in praefata Provincia ante allegatum Concilium ejusmodi Festa sub ritu tantum Semiduplici celebrata fuerint.*

Postquam haec semiduplicia ad duplicitum elevata sunt, ut ea ab illis, quæ duplicita appellabantur, distinguerentur, duplex Classis Festorum duplicitum constituta est, vetustaque Festa, seu digniora duplicita primæ Classis dicta fuere, alia verò duplicita secundæ Classis, inter quæ recensentur Apostolorum, & nunc etiam Evangelistarum Festa, quæ sunt secundæ Classis. Festum verò Divi Petri, Apostolorum Principis, in prima Classe sibi locum vendicavit. De prædictorum tamen Festorum primæ, & secundæ Classis origine differendo sapientissimus Guyetus loc. *supracit.* qu. 3. ait, se ne scire, an ante Pium V. talium Festorum in Breviario esset ulti, nam nec in Romane, sive M. SS. Anni 1519. sive editionis Annorum 1550. & 1555. nec in ullo alio ejusmodi nomenclaturam ipse reperire potuit. Ad Romanum Breviarium quod attinet, in predictis exemplaribus sola erat inscriptio majo-



majorum, & minorum, quæ Durandus appellat Duplicia in totum, & Duplicia simpliciter. Sed cùm talis inscriptio non videatur sufficiens ad exprimendam variam Festorum inter se dignitatem, Duplicium majorum in novo Pii V. Breviario duæ constitutæ sunt Classæ, quarum una vocatur prima, altera secunda, ad distinguenda Festa majora à minoribus pro sua quæque dignitate.

II. Gavant, pag. 17. col. 2. n. 2. -- *Semiduplici ritu gaudent Dominicæ per annum &c.)* Quatuor sunt species Semiduplicium. Ad primam pertinent Dominicæ, quæ in tres species subdividuntur, scilicet in Dominicæ primæ Classis, quæ nulli Festo cedunt v. g. Dominicæ prima Adventus &c. Quadragesimæ &c. de quibus infrà: In Dominicæ secundæ Classis, quæ Festo Patroni, vel Titularis, vel Dedicationis cedunt: & in Dominicæ Communis, seu per annum, ut vocant. Haec omnes, inquam, Dominicæ (excepta Dominicæ Resurrectionis, Pentecostes, Sanctissima Trinitatis, & in Albis) sub ritu Semiduplici celebrantur, ita tamen, ut in occurso semper aliis Semiduplicibus præferantur. Ad secundam pertinent Festa Semiduplicia, qualia sunt, quibus in Calendario, vel in proprio Sanctorum vox *Semiduplici* apposita est. Ad tertiam spectant omnes dies infra Octavam, nempe lex illi dies, qui intra Festum, & ipsam diem Octavam intercidunt, quæ proinde in occurso tam Dominicis, quam Semiduplicibus cedunt, nisi ad aliquam ex Octavis privilegiatis, de quibus infrà, pertaineant. Ad quartam pertinent Vigilia Epiphaniæ, & Pentecostes cum præcedenti sexta Feria, quæ sub ritu Semiduplici celebrantur, nec tamen ad ullam præcedentium Classem commodè revocari queunt, ut optime notat Lohner in Instructione practica de Horis Canonicis *nt. 2. §. 2.*

III. Gavant, eod. n. 2. -- *Numero hodie ultra quadragesimæ &c.)* Officia Semiduplicia profectò nunc excedunt allegatum nume-

rum, sicut etiam dies infra Octavas, quare Semiduplicia cùm Dominicis non est dubium quin modò transcendent numerum centum triginta.

IV. Gavant, pag. 17. col. 2. n. 3. -- *Debet esse Semiduplici &c.)* Quamvis verissimum sit, quòd de Sancto, cuius Reliquia non insignis habetur, si concedatur Officium, debet esse semiduplici; nihilominus hoc dependet à Sac. Congregationis arbitrio, & equidem apud Monacel. in *Formulario Legali pratico part. 4. in supplemento ad primum Temum* assertur S. C. R. Decretum, quo conceditur Parochæ Albegni Bergomensis Dicccelis, ut possit celebrari Missa sub ritu duplice sine *Credo* in sua Ecclesia pro Sancto in Martyrologio Romano descripto, cuius Reliquia non insignis asservatur in eadem Ecclesia.

V. Gavant, pag. 18. col. 1. n. 6. *De Privilegiis Festi &c.)* Nos quoque Gavanti vestigia secundo de privilegiis Festi, seu Officii Semiduplicis ageimus infrà in pluribus locis, interim tamen innendum est, hæc Semiduplicia à duplicitibus distingui per hoc, quòd duplicita tria habent privilegia, nimurum primum, quòd Antiphona, ut diximus supra, duplicantur in Matutino, ad Laudes, & ad Vespertas, secundum, quòd in duplicitibus Suffragia Communia non admittuntur; tertium, quòd nullæ Preces in illis dicuntur, in Semiduplicibus autem non duplicantur Antiphona, dicuntur Preces ad *Primam*, & ad *Completorium*, præter quam tamen in diebus infra Octavas; sicut etiam admittuntur Suffragia Communia, sed etiam hæc in diebus infra Oct. prætermittuntur. A Simplicibus vero distinguntur Semiduplicia per hoc, quòd novem Lectiones, tres Nocturnos, & primas, ac secundas Vespertas de jure exigant, nisi aliter fieri debeat, ratione concurrentia Festi altioris ordinis, vel aqualis, quod examinabimus agendo infra de concurrentia Festorum. Differt etiam Semiduplici à Feste Simplici per hoc, quòd

*Semi-*



Semiduplex si impediatur ab aliquo Festo superioris Ritus, vel etiam aequalis juxta dispositionem Decretorum, potest transferri in aliam diem, simplex vero Festum sit semper eo die, quo cadit, quod si ob occurrentiam

Festi alicuius nihil possit de eo fieri illo die, neque Commemoratio, de tali Festo nihil amplius eo anno agitur, unde non potest illo modo transferri.

## De Officio Simplici. III.

## R U B R I C A.

- 1 Officium fit simplex in diebus Ferialibus, quando occurrit fieri de Feria. Item in Festis, quibus in Kalendario non apponitur hac vox Duplex, vel Semid. vel de Oct. Item quando fit de B. Maria in Sabbato, ut in ejus Rubrica dicetur.
- 2 De Festo Simplici fit eo die, quo cadit, nisi eodem die occurrat fieri Officium novem Lebt. vel de Sancta Maria in Sabbato, vel de aliquibus Ferialibus, quibus festum Simplex cedit: ut dicetur in Rubr. de Feriis, & de Commemorationibus.
- 3 Habet tantum primas Vesp. in quibus dicuntur Psalmi feriales, & à Capitulo fit de Festo, nisi cum eo concurrat Offic. novem Lectionum, quia tunc de eo fit sola commemoratio, ut dicetur in Rubrica de Concurrentia Officii, & ejus Officium terminatur ad Nonam, & nihil amplius fit de eo, nec commemoratio.
- 4 Ad Matutinum, post Invitatorium & Hymnum de festo, dicitur unum tantum Nocturnum, cum duodecim Psalmis, ut in Psalterio, secundum seriam, que occurrit: & tres Lectiones leguntur, ut infra in Rubrica de Lectionibus habetur.
- 5 Quomodo sit ordinandum Officium Simplex ad Vesperas, Matutinum, & alias Horas, item & de Antiphonis, Versibus, Responsoriis, & aliis, ac quando Preces, & Suffragia de Sanctis dicenda sint, habentur inferius propriae Rubrica.

## Novæ Observationes, &amp; Additiones ad Gavanti

## Cap. IV. De Simplici.

I. Gavant. pag. 18. col. 1. n. 1. — *Antea vocabatur Officium trium Lectionum*) Festa simplicia ita appellata à Durando, quod simpli- ci, seu minus sollempni ritu celebrentur, alio nomine, nimis etiam Festa trium Lectionum appellata fuere. Primo, & per se Festum simplex Dupli olim veluti opponebatur, ut aliud diceretur novem Lectionum, seu Officium plenum, simplex vero appellaretur Officium trium Lectionum tantum. Postmodum dictum Officium novem Lectionum etiam semiduplex nuncupatum fuit, & alia nova classis Officiorum inducta est media inter Officium Duplex, & Simplex. Pa-

tit igitur, utrumque non ex aequo Duplici opponi: Semiduplex enim est medium quid inter Duplex, & Simplex, ita ut conveniat cum Duplici, quia gaudent Officio integro, & pleno novem Lectionum, & trium Nocturnorum, & ob eandem rationem opponatur Simplici, quod unum tantum Nocturnum, & tres dumtaxat in suo Officio habeat Lectiones; quia vero Semiduplex nec Antiphonas, nec alia Sollemnitatis indicia duplicat, simplicis potius, quam Duplicis rationem participat. Simplex igitur sic in uno cum Semiduplici convenit, ut in utroque à Duplici discrepet.

Gavant. Rubr. Brev.

E

Dixi,

